



Broj: 01-14-13077-2/18
Zenica, 10.09.2018. godine

RASIM SKOMORAC, poslanik u Skupštini Zeničko-dobojskog kantona

PREDMET: Odgovor na poslaničku inicijativu sa 64. sjednice Skupštine, dostavlja se

Na 64. sjednici Skupštine Zeničko-dobojskog kantona održanoj 17.08.2018. godine, u okviru predtačke dnevnog reda: „Postavljanje poslaničkih pitanja i pokretanje inicijativa“, postavili ste dva pitanja i to:

- **Prvo pitanje Ministarstvu civilnih poslova BiH**, ponovo ste postavili u vezi sa sredstvima međunarodne pomoći, posebno sredstvima Vlade Japana, koja su u posljednjih 20 godina dodijeljena svim zdravstvenim ustanovama u Bosni i Hercegovini po zdravstvenim ustanovama i
- **Drugo pitanje Federalnom ministarstvu zdravstva**, ste postavili u vezi sa kriterijima po kojima se sredstva međunarodne pomoći raspodjeljuju zdravstvenim ustanovama u Bosni i Hercegovini.

Pored toga, a u vezi sa ovim pitanjima, pokrenuli ste i inicijativu da Skupština Zeničko-dobojskog kantona donese zaključak i da se obrati prema Federalnom Ministarstvu zdravstva da se razmotri diskriminatorni odnos prema Kantonalnoj bolnici Zenica kada se radi o raspodjeli sredstava ili opreme iz međunarodnih donacija i da se Kantonalna bolnica Zenica tretira kao dio zdravstvenog sistema Federacije Bosne i Hercegovine sa jednakim pravima i obavezama kao i sve druge zdravstvene ustanove, i drugi dio ove inicijative da se izvrše izmjene Pravilnika o uvjetima koje moraju ispunjavati bolnice za sticanje statusa Univerzitetske bolnice, kako bi se omogućio kvalitetan razvoj i Kantonalne bolnice Zenica i Medicinskog fakulteta u Zenici i Univerziteta u Zenici.

Stoga je, shodno članu 16. stav 1. alineja 9. Poslovnika Skupštine Zeničko-dobojskog kantona - Novi prečišćeni tekst ("Službene novine Zeničko-dobojskog kantona", broj: 7/12, 12/13 i 10/18), kojim je propisano da u okviru svojih prava i dužnosti Kolegij razmatra inicijative i prijedloge upućene Skupštini, Vaša inicijativa dostavljena Kolegiju Skupštine na davanje odgovora.

Kolegij Skupštine je na 85. sjednici održanoj 10.09.2018. godine razmatrao Vašu inicijativu, te uvažavajući problematiku na koju se ista odnosi, predložio da se na 66. sjednici Skupštine zakazanoj za dan 17.09.2018. godine s početkom u 10,00 sati, ostavi mogućnost diskusije o istoj u okviru jedne od 2 tačke dnevnog reda sjednice koje se odnose na zdravstvenu oblast (Prijedlog Odluke o dopuni Odluke o preuzimanju prava i obaveza osnivača i usklađivanju organizacije i poslovanja Javne ustanove Kantonalna bolnica ili Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja Zeničko-dobojskog kantona za 2018. godinu, sa Odlukom o izmjenama i dopunama Odluke o izvršavanju Finansijskog plana Zavoda zdravstvenog osiguranja Zeničko-dobojskog kantona za 2018.

godinu-Izmjene i dopune Finansijskog plana Zavoda zdravstvenog osiguranja Zeničko-dobojskog kantona za 2018. godinu), i eventualnog donošenja odgovarajućeg zaključka Skupštine u vezi sa istom.

Kolegij je također zadužio predsjedavajućeg Skupštine Kantona, da u pravcu iznalaženja rješenja za problematiku koju tretira Vaša inicijativa, upriliči radno-konsultativni sastanak sa federalnim i kantonalnim ministrima zdravstva i federalnim i kantonalnim direktorima zavoda zdravstvenog osiguranja.

S poštovanjem!

PREDSJEDAVAJUĆI

Jasmin Duvnjak

Dostavljeno:

1x Imenovanom

1x Poslancima Skupštine/05-03

1x U predmet 85. sjednice Kolegija (05-03)

1x U predmet broj: 01-14-13077/18 (05-03)

